



**Broj: 0101-3814-7-LOT 1./17**  
**Sarajevo, 17. 07. 2017. godine**

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku robe-LOT. 1. Računarska i komunikaciona oprema za potrebe nadogradnje data centra, na preporuku Komisije za javnu nabavku broj: 0101-3814-6-LOT 1./17 od 13. 07. 2017. godine, rektor Univerziteta u Sarajevu je d o n i o

**ODLUKU**  
**o izboru najpovoljnijeg ponuđača i dodjeli ugovora**

**Član 1.**

Prihvata se preporuka Komisije za javnu nabavku broj: 0101-3814-6-LOT 1./17 od 13. 07. 2017. godine i ugovor o javnoj nabavci robe-LOT. 1. Računarska i komunikaciona oprema za potrebe nadogradnje data centra, dodjeljuje ponuđaču Verso d. o. o. Emerika Bluma 23, 71000 Sarajevo, čija ukupna cijena ponude iznosi 98.970,00 KM bez PDV-a (slovima: devedesetosamhiljadadevetstotinasedamdeset KM i 00/100), što sa uračunatim PDV-om iznosi: 115.794,90 KM sa PDV-om (slovima: stotinupetnaesthiljadasedamstotinadevedesetčetiri KM i 90/100), iz razloga što je u otvorenom postupku, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

**Član 2.**

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

**Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

**Obrazloženje**

Na osnovu Odluke o davanju saglasnosti na pokretanje postupka javne nabavke broj: 02-3814/17 od 18. 05. 2017. godine, Univerzitet u Sarajevu je pokrenuo otvoreni postupak za javnu nabavku robe:

Lot. 1. Računarska i komunikaciona oprema za potrebe nadogradnje data centra,

Lot. 2. Mrežna oprema za instalaciju na fakultetima,

Lot. 3. Nabavka, instalacija, konfiguracija sistema za monitoring mrežne infrastrukture

Za provođenje postupka predmetne javne nabavke Odlukom broj: 0101-3814-2/17 od 13. 06. 2017. godine, imenovana je Komisija za javnu nabavku u slijedećem sastavu:  
1. Alvin Huseinović, predsjedavajući i članovi: Sanel Sefer i Ćemal Suljević.

Obavještenje o nabavci broj: 999-1-1-124-3-20/17 objavljeno je na Portalu javnih nabavki dana 14. 06. 2017. godine.

Istog dana, na Portalu javnih nabavki objavljena je i Tenderska dokumentacija broj: 0101-3814-3/17.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 05. 07. 2017. godine u 10:15 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: REBUS d.o.o., MICOM BH D.O.O. SARAJEVO, Dasto semtel d.o.o., Copitrade D.O.O., Infostrim d.o.o., MULTIMEDIJALNI COMPUTER CENTAR D.O.O. MMCC, AVACOM GROUP D.O.O., PROINTER ITSS doo, PING D.O.O., BBS Europe, ekapija doo, Verso d.o.o., NESECO doo Sarajevo, R&S D.O.O. SARAJEVO, QSS D.O.O., RSCOM d.o.o., TeleNet d.o.o. Sarajevo, PRINTEX, Time Code d.o.o. Sarajevo, Asbis d.o.o., "ENERGIJA" doo Bijeljina, IMTEC D.O.O. SARAJEVO, ASPO RAIL d.o.o., Bosnet Group doo, FixIT d.o.o., IBIS-INSTRUMENTS d.o.o. Beograd, HERTRONIC d.o.o., BOSNIEN BUSINESS SYSTEMS, Amned d.o.o. i KAMER COMMERCE d.o.o.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 05. 07. 2017. godine, vidljivo je da u periodu koji je ostavljen za dostavljanje ponuda, od strane potencijalnog ponuđača TeleNet d.o.o. Sarajevo postavljena su slijedeća pitanja u vezi sa Tenderskom dokumentacijom: broj: 0101-3814-3/17 od 13. 06. 2017. godine:

- „1. Ugovorni organ zahtijeva da se svi dokumenti / obrasci / izjave koji čine sastavni dio tenderske dokumentacije trebaju popuniti rukom. Ukoliko ponuđač učestvuje na jednom LOT-u, da li treba ručno precrtati dijelove dokumenata / obrazaca / izjava iz tenderske dokumentacije (Prilog I, Prilog III, Prilog IV, Prilog V, Prilog VI, Prilog VII, Prilog IX, Prilog XII, Prilog XIII i Prilog XIV), u kojima se navode ostali LOT-ovi?
2. Ugovorni organ zahtijeva da se svi dokumenti / obrasci / izjave koji čine sastavni dio tenderske dokumentacije trebaju popuniti rukom. Kada se dijelovi dokumenata / obrazaca / izjava koji čine sastavni dio tenderske dokumentacije (Prilog I, Prilog V, Prilog VIII, Prilog X i Prilog XI) ne popunjavaju, da li se odgovarajuća nepopunjena polja trebaju ručno precrtati ili se ista samo trebaju ostaviti prazna?
3. Tačka 13.4. - tehnička i profesionalna sposobnost, dokaz c). Da li se pod "diplomom" angažovanog tehničkog osoblja podrazumijeva traženi industrijski certifikat iz oblasti mrežnih tehnologija?
4. Tačka 15. - jezik i pismo ponude. Da li traženi industrijski certifikati iz oblasti mrežnih tehnologija (tačka 13.4. - tehnička i profesionalna sposobnost, dokaz c)) spadaju u propratnu dokumentaciju koja ne mora biti prevedena ukoliko je na engleskom jeziku?
5. LOT 2, stavka 2 (switch). Da li je zahtijevano da ponuđeni transiveri (4 x 1G 1000Base-T SFP) budu od istog proizvođača kao za switch ili je dozvoljeno nuditi kompatibilne transivere?“

Ugovorni organ je dostavio slijedeće odgovore na postavljena pitanja:

- „1. Ukoliko ponuđač dostavlja ponudu za jedan LOT, u Prilozima Tenderske dokumentacije u kojima se navode i ostali LOT-ovi za koje ponuđač ne želi dostaviti ponudu, ponuđač treba ZAOKRUŽITI LOT za koji želi aplicirati, odnosno dostaviti ponudu.
2. U prilozima koji čine sastavni dio Tenderske dokumentacije u kojima postoje prazna polja, a ponuđač ih ne popunjava, u tom slučaju ponuđač odgovarajuća nepopunjena polja treba RUČNO PRECRTATI.
3. U Tački 13.4.-dokaz c) Tenderske dokumentacije (Tehnička i profesionalna sposobnost), pod "kopije diploma angažovanog tehničkog osoblja" podrazumijeva se relevantan industrijski certifikat iz oblasti mrežnih tehnologija.

4. U Tački 15. Tenderske dokumentacije (Jezik i pismo ponude), odgovor je da traženi industrijski certifikati iz oblasti mrežnih tehnologija (Tačka 13.4.-dokaz c) TD), ukoliko je na engleskom jeziku ne moraju biti prevedeni.

5. LOT 2. stavka br. 2. (switch), zahtjevani transiveri (4 x 1G 1000Base-T SFP) ne moraju biti od istog proizvođača kao za switch, ukoliko ponuđač može dokazati preko stranice proizvođača da su isti podržani.“

Iz Zapisnika Komisije je vidljivo da je dana 05. 07. 2017. godine u 10,15 sati, Komisija za javnu nabavku, po redosljedu prijema, izvršila javno otvaranje blagovremeno prispjelih ponuda slijedećih ponuđača:

R.br.	Naziv i sjedište ponuđača <b>LOT. 1. Računarska i komunikaciona oprema za potrebe nadogradnje data centra</b>	Broj prijemnog protokola	Datum i vrijeme prijema ponude
1.	Verso d. o. o. Emerika Bluma 23, 71000 Sarajevo	0105-4496/17	05. 07. 2017. u 9,40
2.	Neseco d. o. o. Mehmeda Spahe 20, 71000 Sarajevo	0105-4498/17	05. 07. 2017. u 9,40

Na javnom otvaranju ponuda su bili prisutni: Sanda Kemez-predstavnik ponuđača Verso d. o. o. Emerika Bluma 23, Sarajevo i Mirela Čečura-Islamović-predstavnik ponuđača Neseco d. o. o. Mehmeda Spahe 20, Sarajevo, na osnovu ovlaštenja koja se nalaze u dokumentaciji.

Zapisnik sa otvaranja ponuda je isti dan, lično, uz potpis, dostavljen predstavnicima ponuđača Verso d. o. o. Emerika Bluma 23, Sarajevo i Neseco d. o. o. Mehmeda Spahe 20, Sarajevo.

Iz Zapisnika Komisije za javnu nabavku je vidljivo da nije bilo neblagovremenih ponuda.  
Iz Zapisnika Komisije je vidljivo da Komisija za javnu nabavku nije imala nejasnoća u ponudama ponuđača, niti je bilo grešaka u dostavljenim ponudama.

Iz Zapisnika Komisije za javnu nabavku je vidljivo da se Komisija sastala dana 13. 07. 2017. godine radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Iz Zapisnika Komisije za javnu nabavku je vidljivo da nijedan od ponuđača nije dostavio Potvrdu Vanjskotrgovinske komore ili druge nadležne privredne komore da najmanje 50% ukupne vrijednosti ponuđenih roba imaju porijeklo iz Bosne i Hercegovine, kako je traženo tačkom 25. Tenderske dokumentacije, te je ocijenila da se ni na jednu ponudu ne može primjeniti preferencijalni tretman domaćeg.

Nakon pregleda i ocjene ponuda ponuđača, Komisija je u Zapisniku konstatovala da nema ponuđača koji se isključuju zbog neispunjavanja uslova za kvalifikaciju, odnosno da se ponuda ni jednog od ponuđača ne odbija na osnovu rezultata pregleda i ocjene ponuda, odnosno da su ponude ponuđača: Verso d. o. o. Emerika Bluma 23, Sarajevo i Neseco d. o. o. Mehmeda Spahe 20, Sarajevo ocijenjene kao prihvatljive, odnosno tehnički zadovoljavajuće, s obzirom da su ispunili sve uslove za učešće propisane članom 45. do 50. Zakona o javnim nabavkama BiH, te sve minimalne uslove koji su utvrđeni Tenderskom dokumentacijom.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka.

Komisija za javnu nabavku je, prema kriterijumu najniža cijena, sačinila rangiranje prihvatljivih ponuda, na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Verso d. o. o. Emerika Bluma 23, 71000 Sarajevo	0,00 KM	98.970,00 KM bez PDV-a 16.824,90 KM=PDV 115.794,90 KM sa PDV-om
2.	Neseco d. o. o. Mehmeda Spahe 20, 71000 Sarajevo	0,00 KM	99.850,00 KM bez PDV-a 16.974,50 KM=PDV 116.824,50 KM sa PDV-om

Iz zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za javnu nabavku je dala preporuku rektoru da za nabavku ROBE: LOT. 1. Računarska i komunikaciona oprema za potrebe nadogradnje data centra, donese odluku o izboru najpovoljnije ponude i dodijeli ugovor ponuđaču Verso d. o. o. Emerika Bluma 23, 71000 Sarajevo, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 98.970,00 KM bez PDV-a (slovima: devedesetosamhiljadadevetstotinasedamdeset KM i 00/100), što sa uračunatim PDV-om iznosi: 115.794,90 KM sa PDV-om (slovima: stotinupetnaesthiljadasedamstotinadevedesetčetiri KM i 90/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.


#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



#### **Dostaviti:**

1. Verso d. o. o. Emerika Bluma 23, Sarajevo
2. Neseco d. o. o. Mehmeda Spahe 20, Sarajevo
3. Prorektor za finansije
4. Generalni sekretar UNSA
5. Služba za računovodstvo i finansije UNSA
6. u evidenciju javnih nabavki
7. web stranica UNSA
8. a/a

**Prilog:** Zapisnik o pregledu i ocjeni ponuda